



UNIVERSITÄTS-
BIBLIOTHEK
PADERBORN

Universitätsbibliothek Paderborn

Antidecalogvs Theologico-Politicvs Reformatvs

Dript, Laurentius a

Paderbornae, 1672

Decreta Sanctiss. in Christo Patris Ac D. N. D. Alexandri Papae VII. In
Congregationibus Generalibus Sanctae Romanae & Vniversalis
Inquisitionis habitis.

urn:nbn:de:hbz:466:1-13441

Cum in presenti libello duas Bullas Feliciss. Record. Alexandri VII. sæpius citavim, hinc illas pro informatione illorum, ad quorum manus nondum pervenerunt, hic subungere placuit.

Decreta Sanctiss. in Christo Patris

Ac D. N. D.

ALEXANDRI PAPÆ VII.

In Congregationibus Generalibus
Sanctæ Romanæ & Vniversalis Inquisitionis habitis.

Feria V. die 24. Septembr. 1665.

IN Congregatione Generali Sanctæ Romanæ & Vniversalis inquisitionis habita in Palatio Apostolico montis Quirinalis coram Sanctiss. D. N. D. Alexandro Divinâ providentiâ Papa VII. ac Eminentissimis & Reverendissimis DD. S. R. E. Cardinalibus in tota Republica Christiana adversus hæreticam pravitatem Generalibus Inquisitoribus à Sancta Sede Apostolica specialiter deputatis.

Bb 7

San-

SANCTISSIMUS D. N. audivit non sine ma-
gno animi sui mœrore complures opi-
niones Christianæ disciplinæ relaxativas, &
animarum perniciem inferentes, partim an-
tiquatas iterum suscitari partim noviter pro-
dire: & summam illam luxuriantium inge-
niorum licentiam indies magis excrefcere,
per quam in rebus ad conscientiam perti-
nentibus modus opinandi irrepsit alienus o-
mnino ab Evangelica simplicitate, Sancto-
rumque Patrum doctrinâ & quem si pro re-
ctâ regula Fideles in praxi sequerentur, in-
gens eruptura esset Christianæ vitæ corrup-
tela. Quare ne ullo unquam tempore viam
salutis quam suprema veritas Deus, cujus
verba in æternum permanent arctam esse
definivit, in animorum perniciem dilatari,
seu verius perverti contingeret idem San-
ctissimus D. N. ut oves sibi creditas ab eju-
smodi spatiosa, lataque per quam itur ad per-
ditionem viâ, pro pastorali sollicitudine in
rectam semitam evocaret, earundem opi-
nionum examen pluribus in sacra Theolo-
giâ Magistris, & deinde Eminentissimis &
Reverendissimis DD. Cardinalibus contra
hære-

hæreticam pravitatem Generalibus Inqui-
sitoribus serio commisit; qui tantum nego-
tium strenuè aggressi, ei que sedulo incum-
bentes, & maturè discussis usque ad hanc di-
em infrascriptis propositionibus super una-
quaque ipsarum sua suffragia sanctitati suæ
singillatim exposuerunt.

1. Homo nullo unquam vita sua tempore
tenetur elicere actum fidei spei & charitatis ex
vi præceptorum divinorum ad eas virtutes
pertinentium.

2. Vir equestris ad duellum provocatus po-
test illud acceptare, ne timiditatis notam apud
alios incurrat.

3. Sententia asserens Bullam Coenæ solum
prohibere absolutionem hæresis, & aliorum
Criminum quando publica sunt, & id non de-
rogare facultati Tridentini, in quâ de occultis
criminibus sermo est, anno 1629. 18. Julij in
Consistorio sacra Congregationis Emin. Cardi-
nalium visa & tolerata est.

4. Prelati Regulares possunt in foro con-
scientiæ absolvere quoscunq; seculares ab hæ-
resi occultâ & ab excommunicatione propter
eam incurssâ.

5. Quam-

5. Quamvis evidenter tibi constet Petrum esse hereticum, non teneris denunciare, si probare non possis.

6. Confessarius qui in Sacramentali Confessione tribuit pœnitenti chartam postea legendam, in quâ ad venerem incitat, non censetur sollicitasse in confessione, ac proinde non est denunciandus.

7. Modus evadendi obligationem denunciande sollicitationis est, si sollicitatus confiteatur cum sollicitante, hic potest ipsum absolvere absq̃ onere denunciandi.

8. Duplicatum stipendium potest Sacerdos pro eadem missa licite accipere, applicando pœnitenti partem etiam specialissimam fructus ipsimet celebranti correspondentem, idq̃ post decretum Urbani VIII.

9. Post decretum Urbani potest Sacerdos, cui Missæ celebrandæ traduntur, per alium satisfacere, collato illi minori stipendio, aliâ parte stipendij sibi retentâ.

10. Non est contra justitiam pro pluribus sacrificiis stipendium accipere, & sacrificium unum offerre; neq̃ etiam est contra fidelitatem, etiamsi promittam promissione etiam juramento

mento firmatâ danti stipendium, quod pro nullo alio offeram.

11. Peccata in Confessione omiffa seu oblita ob instans periculum vite aut ob aliam causam non tenemur in sequenti Confessione exprimere.

12. Mendicantes possunt absolvere â casibus Episcopis reservatis, non obtentâ ad id Episcoporum facultate.

13. Satisfacit præcepto annua confessionis qui confitetur Regulari Episcopo presentato sed ab eo injustè reprobato.

14. Qui facit confessionem voluntariè nullam, satisfacit præcepto Ecclesie.

15. Pœnitens propriâ Autoritate substituire sibi alium potest, qui loco ipsius pœnitentiam adimpleat.

16. Qui beneficium curatum habent, possunt sibi eligere in confessarium simplicem sacerdotem non approbatum ab ordinario.

17. Est licitum Religioso vel Clerico calumniatorem gravia crimina de se, vel de suâ religione spargere minantem occidere, quando alius modus defendendi non suppetit, uti suppetere non videtur, si calumniator sit paratus vel
ipsi Re-

ipsi Religioso, vel ejus Religioni publicè & coram gravissimis viris prædicta impingere, nisi occidatur.

18. Licet interficere falsum accusatorem, falsos testes, ac etiam judicem à quo iniquacerto imminet sententia, si alià vià non potest innocens damnum evitare.

19. Non peccat maritus occidens proprià auctoritate uxorem in adulterio deprehensã.

20. Restitutio à Pio V. imposita beneficiatis non recitantibus non debetur in conscientia ante sententiam declaratoriam judicis, ea quod sit poena.

21. Habens Capellaniam collativam, aut quodvis aliud beneficium Ecclesiasticum, si studio literarum vacet, satisfacit sua obligationi, si officium per alium recitet.

22. Non est contra justitiam beneficia Ecclesiastica non conferre gratis, quia collator conferens illa beneficia Ecclesiastica pecuniã interveniente non exigit illam pro collatione beneficii, sed veluti pro emolumento temporali, quod tibi conferre non tenebatur.

23. Frangens jejunium Ecclesie ad quod tenetur non peccat mortaliter nisi ex contemp-
vel in-

vel inobedienciâ hoc facit, puta quia non vult se subijcere precepto.

24. Mollites, sodomia, & bestialitas sunt peccata ejusdem speciei infima, ideoq; sufficit dicere in confessione se procurasse pollutionem.

25. Qui habuit copulam cum solutâ satisfacit confessionis precepto, dicens commisi cum solutâ grave peccatum contra castitatem, non explicando copulam.

26. Quando litigantes habent pro se opiniones æque probabiles, potest iudex pecuniam accipere pro ferendâ sententiâ in favorem unius praalio.

27. Si liber sit alicuius junioris & moderni, debet opinio censeri probabilis dum non constet, rejectam esse â sede Apostolicâ tanquam improbabilem.

28. Populus non peccat etiâsi absq; ulla causa non recipiat legem â Principe promulgatam.

Quibus peractis dum similibus propositionum examini cura & studium impenditur, interea idem sanctissimus re maturè cõsideratâ statuit & decrevit prædictas propositiones & unamqamq; ipsarum, ut minimum tanquam scandalosas esse damnandas & pro-

& pro-

& prohibendas, sicut eas damnat & prohibet
ita ut quicumq; illas aut conjunctim aut di-
visim docuerit, defenderit, ediderit, aut de
eis etiam disputativè publicè aut privatim
tractaverit, nisi forsan impugnando, ipso fa-
cto incidat in excommunicationem à quâ
non possit (præterquam in articulo mortis)
ab alio, quacunq; etiam dignitate fulgente,
nisi à pro tempore existente Romano Pon-
tifici absolvi.

Insuper districtè in virtute sanctæ obe-
dientiæ & sub interminatione divini judicij
prohibet omnibus Chrsti fidelibus cuius-
cunque conditionis dignitatis ac status, e-
tiam speciali & specialissimâ notâ dignis, ne
prædictas opiniones aut aliquam ipsarum
ad praxin deducant.

Joannes Lupus sanctæ Romanæ & Vni-
versalis Inquisitionis, Not. &c.

L. S.

Anno

Año à Nativitate D.N. Jesu Christi mil-
lesimo sexcentesimo quinto, Indictione ter-
tiâ die vero 2. mensis Octobris, Pontifica-
tus autem sanctiss. in Chro. Patris D.N.D.
Alexandri divinâ providentiâ Papæ VII.
anno undecimo supradictum decretum af-
fixum & publicatum fuit ad valuas Basili-
cæ Principis Apostolorum, cancellariæ Apo-
stolicæ, ac in acie campi Floræ, ac in alijs
locis solitis & consuetis urbis per me Caro-
lum Melanum ejusdem sanctissimi D. N.
Papæ & sanctissimæ inquisitionis curso-
rem.

Romæ ex Typographia Rev. Cam-
eræ Apost. 1665.

Feria V. die 18. Martij 1666.

IN Congregatione Generali Sanctæ Ro-
manæ & Universalis inquisitionis habita
in Palatio Apostolico Montis Quirinalis
coram sanctiss. D.N.D. Alexandro divinâ
providentiâ Papa VII. ac Eminentissimis &
Reverendissimis DD. S. R. E. Cardinali-
bus in tota Republica Christiana adversus
hæreti-

hæreticam pravitatem Generalibus Inquisitoribus à Sancta Sede Apostolicâ specialiter deputatis.

SANCTISSIMUS D. N. post latum Decretum 24. die Septembris proxime elapsi, quo viginti octo propositiones damnatae fuerunt; examinatis sedulo & accuratè usq; ad hanc diem infra scriptis alijs quadragesimum quintum numerum implentibus, per plures in Sacrà Theologiâ Magistros, ac per Eminentissimos & Reverendissimos DD. Cardinales adversus hæreticam pravitatem Generalis Inquisitores eorum suffragia singillatim super unaquaq; ipsarum audivit.

29. *In die jejuniij qui sapius modicum quid comedit, etsi notabilem quantitatem in fine comederit non frangit jejunium.*

30. *Omnes officiales qui in Republicâ Corporaliter laborant, sunt excusati ab obligatione jejuniij, nec debent se certificare, an labor sit compatibilis cum jejunio.*

31. *Excusantur absolute à precepto jejuniij omnes illi qui iter agunt aequitando, utcumque iter agant, etiamsi iter necessarium non sit, & etiamsi iter unius dici conficiant.*

32. Non est evidens quod consuetudo non comedendi ova & lacticia in quadragesimâ obligat.

33. Restitutio fructuum ob omissionem horarum suppleri potest per quascunque elemosynas quas antea beneficiatus de fructibus suis beneficij fecerit.

34. In die Palmarum recitans officium Paschale satisfacit precepto.

35. Unico officio potest quis satisfacere duplici precepto pro die presenti & crastino.

36. Regulares possunt in foro conscientie uti privilegiis suis, que sunt expressè revocata per concilium Tridentinum.

37. Indulgentie concessæ Regularibus & revocata à Paulo V. hodie sunt revalide.

38. Mandatum Tridentini factum sacerdoti sacrificanti ex necessitate cum peccato mortali confitendi quamprimum est Consilium non preceptum.

39. Illa particula (quamprimum) intelligitur, cum sacerdos suo tempore confitebitur.

40. Est probabilis opinio que dicit esse tantum veniale osculum habitum ob delectationem carnalem & sensibilem que ex osculo oritur, se-

tur, se-

tur, secluso periculo consensus ulterioris & pollutionis.

41. Non est obligandus concubinarium ad eiiciendam concubinam, si hac nimis utilis esset ad oblectamentum concubinarium, vulgo regalo, dum deficiente illa nimis agre ageret vitam. & alia epula tedio magno concubinarium afficerent, & alia famula nimis difficile inveniretur.

42. Licitum est mutuanti aliquid ultra sortem exigere, si se obliget ad non repetendam sortem usque ad certum tempus.

43. Annuum legatum pro anima relictum, non durat plus quam per decem annos.

44. Quoad forum conscientiae, Reo correcto, eiusque contumacia cessante cessant censurae.

45. Libri prohibiti donec expurgentur possunt retineri, usque dum adhibitam diligentiam corrigantur.

Quibus mature pensatis idem sanctissimus statuti ac decrevit, praedictas Propositiones & unamquamque ipsarum, ut minimum tanquam scandalosas esse damnandas & prohibendas, sicut eas damnat ac prohibet: Ita
ut qui

ut quicumque illas aut conjunctim aut divisim docuerit, defenderit, ediderit, aut de eis etiam disputativè publicè aut privatim tractaverit, nisi forsan impugnando, ipso facto incidat in excommunicationem à quâ non possit (præterquam in articulo mortis) ab alio, quacunq; etiam dignitate fulgente, nisi à pro tempore existente Romano Pontifice absolvi.

Insuper districtè in virtute sanctæ obedientiæ & sub interminatione divini judicij prohibet omnibus Christi fidelibus cujuscunque conditionis dignitatis ac status, etiam speciali & specialissimâ notâ dignis, ne prædictas opiniones aut aliquam ipsarum ad praxin deducant.

Joannes Lupus sanctæ Romanæ & Universalis Inquisitionis. Not. &c.

L. S.

Cc

Anno

Año à Nativitate D.N. Jesu Christi millesimo sexcentef. sexages. sexto, Indictione quartâ die vero 23. mensis Martij, Pontificatus autem sanctiss. in Chro. Patris D.N.D. Alexandri divinâ providentiâ Papæ VII. anno undecimo supradictum decretum affixum & publicatum fuit ad valvas Basilicæ Principis Apostolorum, cancellariæ Apostolicæ, ac in acie campi Floræ, ac in alijs locis solitis & consuetis urbis per me Carolum Melanum ejusdem sanctissimi D. N. Papæ & sanctissimæ inquisitionis cursorem,

Romæ ex Typographia Rev. Camerae Apost. 1666.